



顧炎武全集

11

顧炎武全集

11



肇域志(六)

譚其驤

王文楚

朱惠榮等校點

廣東

廣州府

元爲廣州路，屬廣東道宣慰司〔一〕。本朝洪武元年〔二〕，改爲廣州府。二年，置廣東行省。九年，改爲布政司。

宋元嘉三十年，蕭簡據廣州反。

山深海巨，民性輕剽。順德以東，潢池

弗靖〔三〕。

清遠以北，戎狄於莽。

昔聞繁富，今則凋瘵。

史稱番禺爲一都會，而島夷南金珠璣、

果布之輳〔四〕，亦曰寢熾趨矣〔五〕。

豈士習惰窳之所致與？將教化漸靡而不可反與？

負山帶

海〔六〕，博敞彌目，中環大江，水陸會同。〔眉批〕其東境之山，自衡陽支分，度庾嶺，至韶、英而來。其西境之山，

亦自衡陽支分，度桂嶺，過韶、梧而來。

〔曲江、灩、湟諸水〔七〕，由北而南，鬱、潯、端溪諸水〔八〕，由西而東，經於靈洲，瀦爲珠

海。

北距五嶺，南臨重溟，人物富盛。

〔眉批〕地控百粵。〔史通〔九〕。

五嶺峙其北，大海環其東〔一〇〕。〕州學

〔記〕〔一〕。

州一，縣十五。

屬嶺南道。

分守駐劄。

管理鹽法屯田僉事一員〔一二〕。

總督

沿海東、中、西三路備倭，以都指揮體統行事指揮一員。

廣東市舶提舉司。懷遠驛屬市舶司。

廣東鹽課提舉司。

廣州左衛、右衛、前衛、後衛。

並左、右、中、前、後五千戶所。

廣州遞運所。歸德

門外，五羊驛左。

城周三千七百九十六丈。(三)。

番禺山，在府城內東南。番山在南，禺山在

北，相連屬如長城。南漢劉襲鑿平之^(二四)，就番山積石爲朝元洞。禺山，今布政司譙樓址也。越秀山，在城內稍北。上有越王臺。浮丘山，在府西一里。即羅浮、朱明門戶。昔在

海中。(二五)，今去海已四里。

白雲山，在府北二十里。

石門山，在府西北三十里江中。兩山

對峙，夾石如門，南北往來之衝，要害處。漢楊僕討南越^(二六)，破石門、尋陞，即此。其西有貪

泉，晉刺史吳隱之有詩。

雙女山，在府西十五里。宋潘美伐南漢，劉鋹遣使請和。美乃挾鋹

使^(二七)，速渡諸險，至馬逕砦^(二八)，次瀧頭雙女山下^(二九)。

鋹請降。(眉批)三洲山，在西一百七十里。一

名黃岡，聳拔千仞^(三〇)，周百餘里。西連高明，南接新會。峯巒數十，有竹子嶺，狀如蜈蚣，支掉百出。直馳二十餘里，亦名蜈

蚣嶺。

鬱水，源出滇、邕，遵封川，西南合桂水、湞水、湟水^(三一)，過靈洲^(三二)，出石門，環城西南，而東注扶胥，入於海。

韓

文公集：南海神廟，在今廣州治之東南。海道八十里，扶胥之口，黃木之灣。

堯山，在海中。高聳千仞，勢若游

龍。周四十里，峯巒七十二。上多平陸，有民居。

潯岡山，在西十九里^(三三)。古尋陞之地。

郡國志云：高四千丈，自番禺迄交趾見之。

海，在府南一百里，城東八十里。曰古斗村^(三四)，

自此出海，浩淼無際^(三五)，東入閩、浙^(三六)，南通島夷。

北江，在城南三十里。本湞武二水合

於此。

滇水，源自梅嶺，經南雄、韶州，武水自臨武發源來合，迤邐而下，至三水縣，與西江合，入於海。

西江，在西北五十里。源自牂柯，經邕、橫、潯、藤，合繡水、灘水，抵蒼梧，過德慶、肇慶，亦曰桂水，至三水縣，與滇武二水合。

東江，自惠州 博羅縣界西流，至府城，入於海。越溪，在府東北三里。東流與東江會。

貪泉，源出府西三十里平地。一名石門水。華館，在府西十里 戩船澳。廣州記：南越王佗即江游構此，以送陸賈。

北二里，一名臺岡，一名越井岡，又謂之天井。岡頭有古臺基，即趙佗所築者也。

鐵柱，凡十二，南漢爲乾和殿鑄者。宋柯述取其南海，四植於帥府正廳，一沒於城東濠，一沒於直

司泥淖中，餘莫知所在。名山記十三卷。

【校勘記】

〔一〕屬廣東道宣慰司「廣」，底本脫，川本同，據滬本及嘉靖廣東通志初稿卷六、萬曆廣東通志卷一四補。

〔二〕洪武元年「元」，底本脫，據川本、滬本及萬曆廣東通志卷一四補。

〔三〕潢池弗靖「潢」，底本漫漶，據川本、滬本及萬曆廣東通志卷一四補。

〔四〕而島夷南金珠璣果布之輳「而」，底本漫漶，據川本、滬本及萬曆廣東通志卷一四補。「布」，底本作「市」，據川本、滬本及萬曆廣東通志卷一四改。

〔五〕亦曰寢熾趨矣「熾」，底本作「殲」，據川本、滬本及萬曆廣東通志卷一四改。

〔六〕負山帶海「帶」，底本漫漶，據川本、滬本及萬曆廣東通志卷一四補。

〔七〕瀧湟諸水「瀧」，底本作「隴」，川本同，據滬本改。

〔八〕鬱潯端溪諸水「潯」，底本作「尋」，據川本、滬本改。

〔九〕史通「通」，底本作「記」，川本、滬本同，據勝覽卷三四改。

〔一〇〕大海環其東「東」，底本漫漶，據川本、滬本及勝覽卷三四、明統志卷七九補。

〔一一〕州學記「州」，底本漫漶，據川本、滬本及勝覽卷三四、明統志卷七九補。

〔一二〕僉事一員「僉」，底本作「簽」，川本同，據滬本及萬曆廣東通志卷七改。

〔一三〕城周三千七百九十六丈「百」，底本脫，川本同，據滬本補。

〔一四〕南漢劉襲鑿平之「襲」，底本作「襲」，川本同，據滬本及明統志卷七九改。

〔一五〕昔在海中「海」，川本、滬本同，萬曆廣東通志卷一四、康熙新修廣州府志卷八作「水」。

〔一六〕漢楊僕討南越「楊」，底本作「陽」，川本同，據滬本及史記酷吏列傳、紀勝卷八九、勝覽卷三四改。

〔一七〕美乃挾銀使「銀」，底本作「鎬」，川本同，據滬本及宋史潘美傳、紀要卷一〇一改。

〔一八〕至馬逕砦「砦」，底本作「此石」，川本同，據滬本及明統志卷七九改。

〔一九〕次瀧頭雙女山下「瀧」，底本作「隴」，川本同，據滬本及明統志卷七九改。

〔二〇〕聳拔千仞「拔」，底本作「折」，川本同，據滬本及萬曆廣東通志卷一四改。

〔二一〕西南合桂水湫水湫水「西」，底本作「而」，川本同，據滬本及嘉靖廣東通志初稿卷一改。

〔二二〕過靈洲「洲」，底本作「州」，川本同，據滬本及萬曆廣東通志卷一四改。

〔二三〕在西十九里「十九」，底本倒誤爲「九十」，據川本、滬本及萬曆廣東通志卷一四乙正。

〔二四〕曰古斗村「曰」，川本同，滬本及紀要作「出」，明統志作「有」。

〔二五〕浩淼無際「淼」，底本作「水」，據川本、滬本及明統志卷七九改。

〔二六〕東入閩浙「浙」，底本作「江」，據川本、滬本及明統志卷七九改。

〔二七〕過德慶肇慶「德慶肇慶」，底本作「廣肇慶」，川本作「德廣肇慶」，據滬本及明統志卷七九改。

〔二八〕南越王佗即江潯構此「潯」，底本作「灣」，川本同，據滬本及康熙新修廣州府志卷九改。

〔二九〕在府城北二里底本「二」下衍「十」字，據川本、滬本及嘉靖廣東通志初稿卷三八刪。

〔三〇〕鐵柱凡十二「鐵」，底本作「銅」，川本、滬本同，據嘉靖廣東通志初稿卷五、萬曆廣東通志卷一八、康熙新修

廣州府志卷九改。

〔三一〕名山記十三卷「三」，川本同，滬本作「二」。

南海縣 治。

編戶三百里。〔眉批〕麗郡西南，上東石門，下闕扶胥，長江天塹，壁壘完整。〔縣志〕（一）。

水

哨七：石門、蔓壠、大帽、大岸、磨刀石〔二〕、擔峽、石雲山。斥堠二十六：恩洲一，草場一，豐

岡二，黃岡二，華寧一，綠潭二，西隆二，海舟一〔三〕，龍津頭一〔四〕，鹽步二，大通一，沙丸一，泌冲

一，平洲二，黃竹岐一，季華二，林岳一，蟠岡一，魁岡一。胥江水驛，縣西北三水界。官窑

水驛，縣西北金利堡。

五斗口、舊屬順德縣〔五〕，縣南西淋都平洲堡〔六〕。

三江、通志：縣西側水村，舊三江寨

豐湖堡。萬曆九年，遷於駱村堡。

神安、縣西鹽步堡，舊泌冲寨〔七〕。

黃鼎、縣西西隆堡寧口村，舊黃鼎〔八〕。

江浦、通

志：鼎安都龍江堡，舊鼎安寨。縣西南鼎安都寨邊村。

金利縣西北桃子堡，舊金利寨。

六巡檢司。

【校勘記】

〔一〕麗郡西南至縣志「麗」，底本作「酈」，川本同；「縣志」，底本作「懸志」，川本同，並據滬本改。

〔二〕磨刀石 川本、滬本同，康熙新修廣州府志卷一五無「石」字。

〔三〕海舟一「海」，底本作「漁」，川本同，據滬本及康熙新修廣州府志卷一五改。

〔四〕龍津頭「津」，底本漫漶，據川本、滬本及康熙新修廣州府志卷一五補。

〔五〕舊屬順德縣「順」，底本作「明」，川本同，據滬本及康熙新修廣州府志卷一二改。

〔六〕縣南西淋都平洲堡 底本錯簡於下文神安條下，川本同，據滬本及萬曆廣東通志卷一五、康熙新修廣州府志卷三乙正。

〔七〕縣西鹽步堡舊泌冲寨 底本錯簡於下文黃鼎條下，川本同，據滬本及萬曆廣東通志卷一五、紀要卷一〇一乙正。

〔八〕縣西西隆堡寧口村舊黃鼎 底本錯簡於下文「六巡檢司」下，川本同，據滬本及萬曆廣東通志卷一五、康熙新修廣州府志卷一二乙正。「寧口村」，底本作「寧寨口林」，川本同，據滬本及萬曆廣東通志卷一五改。

番禺縣 治。

編戶一百四十里。

並衝，煩，淳。

漢始建縣於郡城南五十里，今龍灣、

古瀾之間，刺史並治於此^(一)。隋開皇十年，改置南海縣，乃於江南洲上別置番禺縣。其洲周迴約八十里^(二)。疑即盧循城，在河南村。唐因之^(三)，分治郭下^(四)。

五羊水驛。城南官渡頭。

逆湖馬

驛。縣北茅田村。考止一懷恩驛。

鹿步。縣東鹿步堡，舊鹿步寨。

沙灣。縣南白沙堡^(五)，舊沙灣寨^(六)。

茭

塘。縣南逕口堡，舊茭塘寨。

獅嶺。縣北擢桂堡，舊巴由寨。

慕德里。縣北何嶺堡，舊慕德里寨。

五巡檢司。

秦舊

縣，在府南五十里。漢交州、吳廣州並治此，後遷於城東，即鹽倉。唐復修建之。

南越武王

趙佗墓，自鷄籠岡以北，至天井，連岡接嶺皆云佗墓。舊志：佗葬時輜車四出，莫知真墓所在。

劉王墓，在府城東北二十里。漫山皆荔子樹，龜趺石獸，歷歷具存，疑即偽懿陵也。昔有

發其墓者，其中皆以鐵錮之。南海宣風鄉、番禺黃陂、新會縣西古博都、上臺、玉環^(七)、丫髻諸

山^(八)，皆有劉氏墓。又郡城北山七里，有雷洞，亦劉王墓也。南海百詠：俗謂偽劉雷將軍墓。又

云劉氏時所鑿，謂之雷藏^(九)，欲以饗雷^(一〇)。事見番禺雜志。然其上因山爲之，初不封樹。近歲

爲風雨所圯，方洞見其中，識者亦疑爲越佗塚。郡人率以正月二十六日，傾城來遊。或有桑間之約，

俗謂洗身。宋史魏瓘傳：知廣州，築州城環五里，疏東江門，鑿東西澳爲水閘，以時啓閉^(一一)。

【校勘記】

〔一〕刺史並治於此「治」，底本作「至」，據川本、滬本及康熙新修廣州府志卷一二改。

〔二〕其洲周迴約八十里「其洲」，底本脫，據川本、滬本及康熙新修廣州府志卷一二補。

〔三〕唐因之「因」，底本作「因」，川本同，據滬本及康熙新修廣州府志卷一二改。

〔四〕分治郭下「治」，底本作「至」，據川本、滬本及康熙新修廣州府志卷一二改。

〔五〕白沙堡「沙」，底本作「河」，川本同，據滬本及萬曆廣東通志卷一五改。

〔六〕舊沙灣寨「寨」，底本作「堡」，川本同，據滬本及萬曆廣東通志卷一五改。

〔七〕玉環「玉」，底本作「至」，川本同，據滬本及嘉靖廣東通志初稿卷三八改。

〔八〕丫髻「丫」，底本作「了」，川本同，據滬本及萬曆廣東通志卷一四改。

〔九〕雷藏「雷」，底本作「劉」，川本、滬本同，據南海百詠、嘉靖廣東通志初稿卷三八改。

〔一〇〕欲以饗雷「欲」，底本作「願」，川本同，據滬本及南海百詠改。

〔一一〕宋史魏瓘傳^至以時啓閉 底本錯簡於下文增城縣「編戶九十八里」之後，川本同。按續資治通鑑長編卷一七三：皇祐四年，儂智高圍廣州，「魏瓘築廣州城，鑿井畜水，作大弩爲守備。」宋史魏瓘傳：「知廣州，築州城環五里，疏東江門，鑿東西澳爲水閘，以時啓閉焉。」以此指廣州而言，非謂增城縣，據滬本改移。又此「東江門」，底本作「東北門」，川本、滬本同，據宋史改「北」爲「江」。

增城縣 城周八百餘丈。 府東北一百九十里。 編戶九十八里。 山僻，多寇。 增

城守禦千戶所。 隸廣州後衛。 烏石、縣南八十里甘泉都東洲村，舊烏石寨。 茅田縣西六十里綏福都〔一〕。 二巡

檢司。 羅浮山，與博羅接界。 東洲水驛，在縣南甘泉都八十里。 舊有烏石馬驛，縣西六

十里，革。

增江馬驛，在城南河泊所右，隆慶元年革^(二)。

白水山^(三)，在縣西四十里。屹若巨

屏，其上有瀑泉，懸注如練百餘丈。

鷓鴣峯，在北七十里。脈自庾嶺而來，峯高百餘丈。旁一

峯差小，土人謂之大小鷓鴣，白泡水出焉。

增江，出陳峒山，東南流，合防水，經縣東分流，東

支入牛潭，南支至番禺入海。

舊縣，後漢建安六年置。一在開元鄉金牛都^(四)，一在九岡村。

【校勘記】

〔一〕綏福都「綏」，底本作「綏」，川本同，據滬本及康熙新修廣州府志卷一二改。

〔二〕東洲水驛至隆慶元年革。川本同，滬本改列於上文「編戶九十八里」下，當是。又「泊」，底本作「伯」，據川本、滬

本及嘉靖廣東通志初稿卷一〇改。「右」，底本脫，川本同，據滬本及嘉靖廣東通志初稿卷一〇補。

〔三〕白水山「白水」，底本作「石泉」，川本同，據滬本及嘉靖增城縣志卷二改。

〔四〕金牛都「牛」，底本作「井」，川本、滬本同，據嘉靖廣東通志初稿卷五、嘉靖增城縣志卷一改。

東莞縣 城周二千二百九十九丈。

府東南二百五十里。

編戶一百八十里。

沿海，

煩，刁，多盜。

參將駐劄。

巡視海道副使一員

東官郡城^(一)，在縣南二百里東莞場。晉咸

和間爲郡。隋開皇間改縣^(二)。唐至德二年，徙至倒涌，即今縣治。故址今爲東莞守禦千戶

所。東莞故縣，一在東莞場之北，一在大朗村之東^(三)。

舊城西南三十里曰城子岡，今千戶所

在焉，即舊縣址，宋時置。洪武十四年置南海衛，以舊城狹隘，十六年，指揮李勝展砌石城，乃平之，故址今爲南海衛。

南海衛，左、右、前、後四千戶所。

東莞守禦千戶所，隸南海衛，在舊東莞郡基〔四〕，地名城子。

岡，去縣二百五十里。城周五百五十二丈。在縣南十三都南頭城。

大鵬守禦千戶所〔五〕，在東。

三百五十里，城周四百三十三丈六尺，濱海。

在縣南七都烏浦村，隸南海衛。

鐵崗水驛，縣東第

五都。黃家山水驛，縣東北黃家山村。

福永，縣西南，舊屯門固戍寨。

官富，縣南二百八十里官富寨。

缺

口鎮，縣西南缺口村。

中堂，縣西麻涌村中堂寨〔六〕。

京山，縣東北京山村。

白沙，縣西南白沙村，舊白沙寨。

六巡檢

司。舊有城西水驛，隆慶元年革。

金牛山，在西二里。

石鼓山，在西南二十里。上有石如

鼓。南越志云：昔盧循爲亂，鼓隱然有聲。

曹幕山，在西北八十里。林木蓊鬱，百材於此取

辦〔七〕。

虎頭山，在西南五十五里海中。有大虎小虎二山，外夷入貢及奉使皆道此。

武山，在

縣南五十里海中。

大溪山，在南四百里海中。有三十六嶼，周三百餘里。

大鵬嶺，在東。周三十

里。其脈自羅浮山來，如飛鳥。

梅蔚山，在縣西南二百八十里。宋景炎丁丑，帝舟次於此。

【校勘記】

〔一〕東官郡城「官」，底本作「莞」，川本、滬本同。

嘉靖廣東通志初稿卷五、萬曆廣東通志卷一八作「官」。按晉書

地理志：「成帝分南海立東官郡。」宋書州郡志：東官太守，「晉成帝立爲郡。」廣州記，晉成帝咸和六年，分南海立。此「莞」爲「官」字之誤，據改。

〔二〕晉咸和間爲郡隋開皇間改縣 底本作「晉咸初間改縣」，川本、滬本同，據嘉靖廣東通志初稿卷五、萬曆廣東通志卷一八改補。

〔三〕大萌村「萌」，底本作「萌」，川本、滬本同，據嘉靖廣東通志初稿卷五、萬曆廣東通志卷一八改。

〔四〕在舊東莞郡基「基」，底本漫漶，據川本、滬本及康熙新修廣州府志卷一二補。

〔五〕大鵬守禦千戶所「守」，底本作「千」，川本同，據滬本及明統志卷七九、紀要卷一〇一改。

〔六〕中堂寨「堂」，川本、滬本及紀要卷一〇一同，嘉靖廣東通志初稿卷一〇、萬曆廣東通志卷一五作「堡」。

〔七〕百材於此取辦「辦」，底本作「辨」，據川本、滬本及紀要卷一〇一改。

香山縣 城周六百三十六丈。 府南一百五十里。 編戶三十六里。 無簿。 簡，僻，

疲。 沿海。 本唐廣州東莞香山鎮，以香爐山得名。宋紹興末，升爲縣，仍割番禺、新會二

縣瀕海之地益焉。 香山故鎮，即宋金斗鹽場也。在縣南一百五十里〔二〕。地名濠潭。舊爲金

牛鎮，屬東莞。宋紹興改爲香山場，後遷於前村，址廢。 故城，在城南。宋紹興二十三年，詔

香山鎮始置縣。元末縣尹朵羅歹移縣治古寨山，屯集保障。洪武初，歸款復縣〔三〕，始築土城。

二十六年，置香山守禦千戶所，改築〔三〕，故址遂爲軍營。馬南寶宅〔四〕，在沙涌〔五〕。端宗駐蹕

之所〔六〕，後崩於碭洲，復殯於此。自閩入廣，行宮三十餘處〔七〕，此其一也。香山守禦千戶所，隸廣海衛。

香山、縣北大欖村，舊香山寨。

小黃圃縣北一百二十里小黃圃村。二巡檢司。

井澳。在縣南

二百五十里海中，橫琴山之下。一名仙女澳。宋景炎丁丑，帝舟次於此。

三竈山。在南三百里海中。周三百餘里，中有

三石如竈。

零丁洋。在東一百七十里。文天祥詩：「零丁洋裏嘆零丁。」

【校勘記】

〔一〕在縣南一百五十里「南」，底本脫，川本同，據滬本及康熙新修廣州府志卷九補。

〔二〕歸款復縣「復」，底本作「後」，據川本、滬本及康熙新修廣州府志卷九改。

〔三〕改築「築」，底本作「作」，據川本、滬本及萬曆廣東通志卷一八改。

〔四〕馬南寶宅「寶」，底本作「室」，川本同，據滬本及萬曆廣東通志卷一八改。

〔五〕在沙涌「涌」，底本作「浦」，據川本、滬本及萬曆廣東通志卷一八改。

〔六〕端宗駐蹕之所「蹕」，底本作「驛」，據川本、滬本及萬曆廣東通志卷一八改。

〔七〕行宮三十餘處「三」，底本作「二」，川本、滬本及萬曆廣東通志卷一八、康熙香山縣志卷二作「三」，據改。

順德縣 城周六百一十五丈。府西南八十里。編戶一百六十四里。濱海，煩，饒。

景泰三年，分南海縣置。

馬寧、縣南馬寧堡，舊馬寧寨。

都寧、縣南，舊西淋寨。

江村、縣西江村。

紫泥

縣南紫泥堡。四巡檢司。

舊有馬岡巡檢司，縣南容寄堡馬岡村，革。

碧鑑海，在縣西南一里。

源於粵江，流至於縣。

新會縣 城周六百二十八丈。

府西南二百三十里。

編戶二百三十八里。

濱海，饒，

多寇。守備駐劄。

廢岡州，在縣北黃雲寺前。唐置，開元中廢。

廢義寧縣，一在縣治東，

一在縣西南三十里天臺村。舊志：宋開寶四年，以義寧并入新會，其地今有義寧坊。洪武十七年築城，改爲軍營。其天臺村故址今爲民居。

廣海衛，在縣南一百五十里，在梅州巡檢司北^(二)。

洪武二十七年，都指揮花茂奏設營度，

遷巡檢司於望頭鎮，以其地建置衛所。城周一千九百六十五丈，左、右、中、前、後五所。外城周二千三百四十丈。濱海。新會守禦千戶所，隸廣海衛。舊有新會遞運所，革。蜆岡水馬

驛。在縣西。

沙村，縣南長沙村。

潮連^(二)，縣東潮連村^(三)，舊潮連寨。

沙岡，縣西沙岡村。

藥逕，縣北坡亭村，

舊藥逕寨，居曹幕山藥逕口。

松柏^(四)，

牛肚灣，縣西河村，舊牛肚灣寨。

大瓦中樂都。七巡檢司。

晉康驛，

在縣東舊堡東亭驛^(五)，萬曆五年改。

綠屏山，在縣北一十里。周八十餘里。

厓山，在南八

十里海中。延袤八十餘里。與湯瓶嘴山對峙，如兩扉然，亦曰厓門，乃會邑之咽喉也。宋紹興中置厓山寨，今爲白沙巡檢司。宋季陸丞相秀夫、張太傅世傑^(六)，以此爲天險可據，奉幼主建

官居之，國之君臣同蹈於海以死。宋帝昺亡於此^{〔七〕}。

宋行宮，在厓山。祥興初，帝昺南遷時

建，凡三十間，環以軍屋千餘，又有行朝草市。祥興二年，丞相陸秀夫負帝沉海死之，其地遂墟。

今建全節廟、大忠祠於山下。

宋慈元殿，在行宮之後。縣南一百五十里厓門山。帝昺至厓

門駐蹕^{〔八〕}，造軍屋千餘間，仍創此殿，以奉楊太后。本朝弘治中，建慈元廟於殿之故址，賜額

全節。

【校勘記】

〔一〕在梅州巡檢司北「梅」，底本作「梅」，川本同，據滬本及萬曆廣東通志卷一五改。

〔二〕潮連「潮」，底本作「湖」，據川本、滬本及萬曆新會縣志卷二改。

〔三〕縣東潮連村「潮」，底本作「湖」，據川本、滬本及萬曆廣東通志卷一五改。

〔四〕松柏「川本、滬本同。」萬曆廣東通志卷一五、康熙新修廣州府志卷一二作「松柏」，之下另有「在縣」兩字。

〔五〕舊堡東亭驛「堡」，底本作「保」，川本同，據滬本及萬曆新會縣志卷二改。

〔六〕張太傅世傑「傳」，底本作「傳」，據川本、滬本及康熙新會縣志卷五改。

〔七〕宋帝昺亡於此「川本同，滬本及萬曆廣東通志卷一八、萬曆新會縣志卷一、康熙新會縣志卷五均無。

〔八〕帝昺至厓門駐蹕「蹕」，底本作「驛」，據川本、滬本及萬曆新會縣志卷六改。